

M̄weiñan eo an Raelepen Jabōt

Eprōl 3, 2011

Ro Jabdewōt Ij Yokwe Er, Ij Kauwe im Kajeik Er

Jen El̄tōr D. Todd Chirstoferson

Jen Doulul eo an Jōñoulruo Rijilōk ro

Jemedwōj Ilañ ej juon Anij eo eutiej kōtmāne ko an. Kōtmāne ko An ñan kōj rej kwaļok kōn Nejin, Jisōs Kraist, ilo naan kein: “Ikōṇaan bwe koṃin weppān āinwōt Ña, ak Jemāmi eo ej pād ilo lañ e weppān” (3 Nipai 12:48). Ej ļōmṇak ñan kōmṇan bwe jān kwojarjar bwe jān maroñ bōk aiboojoj in celestial im mour iṃaan Mejān. (Lale D&C 88:22) im jokwe iṃaan mejān. (Moses 6:57). Ejeļā ta eo ej menin aikuj, im kōn menin ,Eaar kōpooj kien im bujen ko An, menin letok eo an Jetōb Kwojarjar, im men eo aorōk tata, Pinmuur eo im Jerkakpeje eo An Nejin Jitōnbōro.

Ilo aolepen menin, kōttōpar eo an Anij ej bwe jej, ajri ro Nejin, maroñ in eñjake lañlōn eo eļaptata, ñan pād Ippān indeeo, im ñan erom eṃool āinwōt E. Jet iiō ko remṃot ļok El̄tōr Dallin H. Oaks eaar kōmeļeļeik: “Ekajet eo Āliktata ejjab juon etale kōn joñan oran jerbāl ko remṃan im nana—ta eo jaar *kōmṃane*. Ej juon kile eo āliktata ejelōt ṃakūt̄kūt im ļōmṇak ko ad—ta eo jaar *erom*. Ejjab bwe ñan jabdewōt ñan baj dibuk ṃakūt̄kūt ko. Kien ko, kaiñi ko, im bujen ko an kojpeļ eo rejjab juon laajrak in men ko likūti remenin aikuj ñan kōmṃani ilo jet akauun in lañ. Kojpeļ eo an Jisōs Kraist ej juon karōk me ej kwaļok ñan kōj ekōjkan ad erom ta eo Jemedwōj Ilañ ej kōṇaan bwe jān erom.”¹

Ejerata, elōñ Rikiristin ro raan kein rejjab kile bwe Anij ej kōmṃan kain kajjitōk kein ioon ro rej tōmak ilo E, lo E ijellōkin āinwōt juon rijerbāl “ro rej tōpar aikuj ko aer ñe kajjitōk ñan kōmṃane” ak juon rikappit eo jerbāl eo an ej ñan jipañ armej “eñjake eṃṃan kōn er make.”² Ej juon jekjek an kabuñ ilo lale bwe “en jab kōmṃan ļōkōm̄ ilo ukōt mour.”³ “Kōn keidi,” āinwōt juon rijeje ej kwaļok, “Anij eo pijaik ilo jeje ko rekwojarjar an Rihebru im Rikiristin ej kajjitōk, ejjab ñan kalimṃur wōt, bōtaab ñan mour ko ad. Anij eo an Baibōl ej kōjbwebweik mour im mej, ejjab kōn eṃṃan, im kajjitōk kōn iakwe en karmejeje, ejjab eo ejeļā men otemjeje.”⁴

Ikōṇaan kōnono kōn juon ṃwil im iminene einjuon jej aikuj in bōke eļaññe jenaaj kar tōpar kōtmāne ko reutiej an Jemedwōj Ilañ. Eñin ej: kōṇaan ñan bōk im pukōt kajim̄we. Kajim̄we ej aorōk eļaññe jenaaj kar kajim̄we mour ko ad “ñan juon armej eweppān, [eñin ej,] ñan joñak eo an utiej eo an tallep eo an Kraist” (Epesōs 4:13). Paul eaar ba kōn kajim̄we eo ekwojarjar ak kaje eo, “Bwe Irooj ej kajeik eo ej Yokwe e” (Hibru 12:6). Meñe emakijkij an pen ñan niknik, eṃool, jej aikuj lemṃoṃoṃ bwe Anij ej ļōmṇak kōn kōj aorōk im jorrāan ñan kajim̄we.

Kaje ekwojarjar ewōr ie jilu kōttōpar ko: (1) n̄an kareel kōj n̄an ukweļok, (2) n̄an kōkōm̄anm̄anļok im kōkwojarjr kōj, im (3) ilo iien ko n̄an bar kajim̄we iaļ eo ad ilo mour n̄an ta eo Anij ejeļā ej juon iaļ em̄m̄anļok.

Łōm̄nak m̄oktata kōn ukweļok, jekjek eo emenin aikuj n̄an jeorļok bōd im erre. Irooj eaar kwaļok, “Ro jabdewōt Ij yokwe er Ij kauwe im kajeik er. Innām kwōn kate eok im ukeļok ippami” (Revelēsōn 3:19). Bar juon alen Eaar ba, bwe armej ro An rej aikuj kaje m̄ae iien rej katak pokake, eļāñe emenin aikuj, kōn men ko me rej kōm̄m̄ani (Lale D&C 105:6; bar lale D&C 1:27). Ilo juon m̄adenļok raan kein ālikitata, Irooj eaar kakien emen ritōl ro an Kabuñ in n̄an ukweļok (āinwōt An maroñ kakien elōñ iaad) kōn jabwe aer katakin ajri ro nejier ekkar n̄an kien ko im kōn jab ļap niknik im n̄urbōktak ilo m̄weo (lale D&C 93:41–50). Eo jein Jared ilo Bok in Mormon eaar ukweļok ke Irooj eaar jutak ilo juon kōdō im kar kōnono ippān “tōreān in jilu awa ko ... im kar kauweik e kōnke eaar jab kememej n̄an kūr ioon etan Irooj” (Ether 2:14). Kōnke eaar lukkuun m̄ōñōñō in uwaak n̄an kauwe in eļap, eo jein Jared tok ālik kar leļok maroñ eo n̄an lo im kar katakin jān Ripinmuur eo an mour eo m̄okta (lale Ether 3:6–20). Leen ko leen kaje an Anij ej ukweļok eo ej tōl ļok n̄an jim̄we (lale Hibu 12:11).

Ilo kakobaba n̄an kaitok limoik ukweļok eo ad, eñjake in kōn niknik ilo kawē eo emaroñ in kōkōm̄anm̄anļok kōj im kōpooj kōj n̄an maroñ ko reļļapļok ilo jetōb. Irooj eaar ba bwe armej ro An rej aikuj kajioñ ilo aolep men bwe ren maroñ pojak n̄an bōk aiboojoj eo an Zaion me ewōr Ippān n̄an er, im bwe eo ejjamin dibuk kaje eo ejjab erre n̄an aelōñ in kiiñ eo An (Lale D&C 136:31). Ilo bar juon jikin Eaar ba, bwe aolep ro me rejjamin naaj niknik ilo kaje, ak karmejeiteik E, jab maroñ in kōkwojarjar (Lale D&C 101:5; bar lale Herbu 12:10). Āinwōt an Eļtōr Paul V. Johnson kar ba kiiō jibboñ, jej aikuj mejmejkaruo ejjab n̄an jab kōñaan lukkuun men ko me rej jipañ kōj ilo piktok eo ekwojarjar.

Rikaļoor ro an Alma raar kajutak juon jukjuk in pād an Zaion ilo Helam, bōtaab innām raar bōktok er n̄an kōm̄akoko. Raar jab aikuj in bōk kaje ko aer—ebwe an jab jejjēt—bōtaab ļok ko rej ba:

“Mekarta Irooj Eaar watōk ekkar n̄an kauweik armej ro An, aet, Eaar idajoñjoñe ro kōmmaanwa eo aer im tōmak eo aer.

“Mekarta—jabdewōt eo ej likūt an leke ilo E ejja in wōt enaaj kotak e ilo raan eo ālikitata. Aet, im āindein eaar āinwōt ippān armej rein” (Mosaia 23:21–22).

Irooj eaar kōkajoorļok er im kōmeraik ļok eddo ko aer n̄an joñan eo me raar jab maroñ eñjaki ilikier, innām ilo iien eo ejejjet kar kōtļor er jān kōm̄akoko (lale Mosaia 24:8–22). Tōmak eo aer eaar lukkuun in kajoor jān jeļā eo aer, im jān iien eo raar lem̄ōñōñō kōn juon kadkad eo ippān

Irooj ejenq̄l̄ok.

Anij ej kōjērbal bar juon jekjek in kaje ak kajim̄we n̄an tōl kōj n̄an juon ilju im jekl̄aaj jejjab ak jab maroñ pijaik l̄ok kiiō bōtaab eo Ejeḷā ej iaḷ eo em̄man tata n̄an kōj. Būreejtōn Huge B. Brown, juon kar membōr in Jōñoulruo eo im juon rikakipilōklōk n̄an Būreejtōnji eo Kein Kajuon, eaar eñjake in an make. Eaar ba kōn juon wia kake an juon jikin kallib ilo Canada elōñ iiō ko l̄ok. Ke eaar tōn jino karreoik im bar kōm̄mane jin jikin, eaar lo juon mar currant me eaar eddōk lōñ l̄ok jān jino nee (1.8m) utiej im eaar jab kalle berry, kōn menin eaar kanooj kōkaduuk laḷ tak, likūt wōt jidik raa. Innām eaar lo an tutu āinwōt kemejaḷaḷ im̄aan kajjojo raa jiddik ko, āinwōt eḷaññe currant maar ko raar jañ, im eaar l̄om̄nak eaar roñ an ba:

“Ekōjkan aḡ maroñ kōm̄mane menin n̄an eō? Eaar em̄man aō eddōkl̄ok. ... Im kiiō em̄oj aḡ jōk laḷ tak n̄a. Aolep menin eddōk ilo jikin kallib in renaaj reilaḷ tak n̄an n̄a. ... Ekōjkan aḡ maroñ kōm̄mane menin n̄an eō? Iaar l̄om̄nak kwōj rikallib ijin.”

Būreejtōn Brown eaar uwaak, “Lale, currant en edik, Ij rikallib ijin, im Ijeḷā ta eo Ikōḡnaan bwe kwōn erom. Ejjab kōttōpar eo aō in bwe kōn juon wōjke ej kalle ak wōjke in kallor. Ikōḡnaan bwe kwōn erom juon current, im juon raan, mar current en edik, ñe kobrak kōn leen, kwonaaj ba, ‘Kom̄ool, Mr. Gardener, kōn aḡ iakwe eō kwar m̄wijit laḷ tak n̄a.’”

Iiō ko tok ālik, Būreejtōn Brown eaar juon field opija ilo Canadian Army jērbal ilo England. Ke juon superior opija eaar jorrāān jān pata eo, Būreejtōn Brown eaar e eo epaak tata n̄an walōñl̄ok n̄an general, im kar jilkinl̄ok e n̄an London. Bōtaab meñe eaar lukkuun karbōb n̄an lelōñ l̄ok e, kar jab bōke kōnke eaar juon Mormon. Cammanding general eo eaar ba kōn jeḷā, “Kokkar n̄an ijjitōñ eo, bōtaab Ijjab maroñ lewaj n̄an eok.” Ta eo Būreejtōn Brown eaar joḷok 10 iiō ko kōjatdikdik, jar, im kōppopo n̄an e ejjab bōke ilo iien eo kōnke kōn juon kalijōkl̄ok eo ealikkar. Wōnḡnaanl̄ok wōt ilo bwebwenato eo an Būreejtōn Brown eaar kememej:

Iaar iuweḷok ilo tūrein eo im kar jino rōḷ... kōn juon bōro erup, kōn illu ilo aō. ... Ke Iaar tōpar l̄ok eem̄ nuknuk eo im̄ō, ... Iaar joḷok at eo aō ioon jikin kiki eo aō. Iaar kuul peiū, im Iaar kōmakūt̄kūt er ilo mejatoto. Iaar ba, “Ekōjkan aḡ maroñ kōm̄mane menin n̄an eō, Anij? Iaar kōm̄mane aolep men Imaroñ kōm̄mane kewaan. Ejjel̄ok juon men me Imaroñ kar kōm̄mane—me Iaar aikuj in kar kōm̄mane—me Iaar jab kōm̄mane. Ekōjkan aḡ maroñ kōm̄mane menin n̄an eō?” Iaar illu āinwōt imatōrtōr.

“Innām Iaar roñ juon ainikien, im Iaar kile toon eo an ainikien in. Eaar ainikiō make, im ainikien eo eaar ba, “Ij rikallib eo ijin. Ijeḷā ta eo Ikōḡnaan bwe kwōn erom.’ Illu eo eaar il̄ok jen aō, im Iaar bukwelōlō iturin jikin kiki eo aō n̄an kajjitōk kōn jeorl̄ok bōd kōn jab kam̄oolol eo aō. ...

“... Im kiiō, enañin 50 iiō tok ālik, Iaar reilōñ l̄ok n̄an [Anij] im ba, “Kom̄ool, Mr. Gardener, kōn

m̄wijiit laḷ tak n̄a, kōn aṃ iakwe eō n̄an kōmetak eō.”⁵

Anij eaar jeḷā ta eo Hüge B. Brown enaaj kar erom im ta eo eaar menin aikuj bwe en waḷok, im Eaar bar tōl iaḷ eo an n̄an kōpooj e n̄an doulul eo an rijilōk ekwojarjar.

Eḷaññe jej ṃool in ad kōṇaan im kajioñ n̄an kakūrṃool kōtmene ko reutiey an Jemedwōj Ilañ, Enaaj kanooj lale bwe j̄an bōk aolep jipañ eo jej aikuji, meñe n̄an kaenōṃṃan, kōkajoorḷok, ak kaje. Eḷaññe jej ṃōṇōṇō in bōk, kajim̄we eo aikuji naaj itok ilo elōñ jekjek ko im j̄an elōñ menin jipañ ko. Emaroñ itok ilo iaḷ in jar ko ad āinwōt an Anij kōnono n̄an ḷōmṃak im būruwōd kōn Jetōb Kwojarjar (lale D&C 8:2). Emaroñ itok ilo jekjek in jar ko me rej uwaak jaab ak oktakḷok j̄an ad kar kōtmene. Kaje emaroñ itok ilo ad ekkatak jeje ko rekwojarjar im rej kakememej kōn likjab ko, jab pokake, ak jermal ko relemwaan jej kowaani.

Kajim̄we emaroñ itok jen ro jet, eḷaptata ro me Anij-ear im̄we n̄an kōkōṃanṃanḷok ṃōṇōṇō eo ad. Rijilōk ro, rikanaan ro, patriak ro, bisop ro, im ro jet emōj kar likūt er ilo Kabuñ in rainin āinwōt etto, “bwe en koweppānḷok ro reṃṃan, kōn jermal in jipañ, kōk kalōk ānbwinnen Kraist” (Epesōs 4: 12). Emool jet iaan men ko kar ba ilo kweilok in raar itok n̄an koṃ āinwōt juon kūr n̄an ukweḷok ak oktak, me eḷaññe kejōkḷokjeṇ kake naaj kotak koṃ n̄an juon jikin eutiey ḷok. Jemaroñ jipañ doon āinwōt membōr ro an Kabuñ rej ṃōttā; ej juon iaan un ko raorōk me Rilōmōor eo eaar kajutak juon kabuñ. Meñe jej ioon kōnana robrak kōn laj j̄an armej ro ewōr wōt jidik aer ṃōṇōṇō im iakwe n̄an kōj, menin emaroñ jipañ n̄an kōjermal tūriamō n̄an joñwe im kōjenḷok jabdewōt men ko remaroñ emṃan n̄an kōj.

Kajim̄we, kōjatdikdik ilo emṃan, emaroñ itok j̄an eo pālele. Eḷtōr Richard G. Scott, eo ejkab ṃōj an kōnono n̄an kōj, kememej juon iien ilo jinoin an kar ṃare ke lio pāleen, Jeanene, kar kapilōk e n̄an reilok kajju n̄an armej ñe ej kōnono n̄an er. “Kwoj reilok n̄an būloor eo, jiliñ eo, wintō eo, aolep jikin bōtaab ilo mejāer,” liin eaar ba. Eaar bōk kapilōk eo, im eaar kōṃṃan bwe en wejepedik ḷok ilo kapilōk im jermal ippān armej. Āinwōt juon eo eaar jermal āinwōt juon mijenede ej jermal aolep raan ium̄win kar tōl eo an Būreejtōn Scott, Imaroñ in kaṃool bwe eaar reilok kalimjōk mejāer ilo bwebwenato ko an. Imaroñ bar kobaik ḷok bwe ñe juon ej aikuj kajim̄we, an kalimjōk emaroñ lo men ko rōtūṃno.

Ro jinen im jemen remaroñ im aikuj kajim̄we, emool kaje, eḷaññe ajri ro nejier ren jab lokjak n̄an rikapo eo im rikaḷoor ro an. Būreejtōn Boyd K. Packer eaar katakin bwe ñe juon armej ej pād ilo jekjek eo n̄an kajim̄we bar juon ej likjab n̄an kōṃṃane, e ej ḷōmṃak kōn e make. Kememej bwe kōrraat ej aikuj in jejjet, kōn peran ak alikkar, ñe emṃakūt kōn Jetōb Kwojarjar; innām kwaḷok ālkin wōt juon ḷapḷok in iakwe n̄an armej eo jaar kōrraat, bwe j̄an jab āinwōt juon rikejdāt (lale D&C 121:43).

Kememej bwe eḷaññe jej jum̄ae kajim̄we, ro jet remaroñ kabōjrak aer letok jekdoon iakwe eo aer n̄an kōj. Eḷaññe jej āliji ad likjab n̄an jermal kōn kaje an iakwe eo an Anij, innām Enaaj barāinwōt

bōjrak. Eaar ba, “Jetōb eo Aō e jamin naaj pād ippān arnej” (Ether 2:15). Āliktata, enaņin aolepen kaje eo ad enaaj itok nān kōj—jej aikuj erom eo ej kajimwe e make. Juon iaan wāween ko me eo mōttad ejitōnbōro emōj an mej Eļtōr Jospeh B. Wirthlin, erom rikaļoor erre eo im ettā me eaar, eaar kōn etale jermal eo an ilo aolep ijjitōn im jermal. Ilo kōņaan eo an nān kamōņōņōik Anij, eaar kālōt nān katak ta eo emaroņ kar kōmņane emņanļok innām niknik ilo kar kōjermal kajjojo katak eaar katak.

Aolepedwōj emaroņ tōpar kōtmene ko an Anij routiej mekarta reļļap ak iddik maroņ eo ad im tōļan eo remaroņ in āinwōt kije eo an Moronai, “Im karmejete kom make jān aolep men ko rejjab emņan, im iakwe Anij kōn aolep aņ maroņ, ļōmņak im kajoor, innām jouj eo an [Anij] enaaj bwe nān kom, bwe jān jouj kom maroņ weppān ilo Kraist” (Moronai 10:32). Niknik eo ad, kijejeto eo ad ilo mōttan eo ad me ej bōktok jouj in ekajoor im maroņ, juon kijejeto me emool ekoba pokake nān kaje eo emool, lukkuun ukweļok. Jān jar kōn kajimwe eo an eiakwe im imwe.

Anij en rejtake kom ilo ami kajioņ tōpar kōtmene ko an An reļļap im Anij en lewaj nān kom tallep in lemōņōņō eo im aenōmņan eo me ej itok make. Ijeļā bwe kom im Nā maroņ erom juon wōt ippān Anij im Kraist. Kōn Jemedwōj Ilaņ im Nejin Jitōnbōro im laņlōn eo kōjatdikdik kake ewōr ippān kōnke kōn Er, Ij kamool ilo ettā ilo lōke, ilo etan Jisōs Kraist, amen.

Kakememej ko

1. Dallin H. Oaks, “The Challenge to Become,” *Liahona*, Jan. 2001, 40.

2. Kenda Creasy Dean, *Almost Christian: What the Faith of Our Teenagers Is Telling the American Church* (2010), 17.

3. Dean, *Almost Christian*, 30; see also Christian Smith and Melinda Lundquist Denton, *Soul Searching: The Religious and Spiritual Lives of American Teenagers* (2005), 118–71.

4. Dean, *Almost Christian*, 37.

5. Hugh B. Brown, “The Currant Bush,” *Liahona*, Maaj. 2002, 22, 24.